

歷代帝王曆祚考

歷代帝王

新安吳繼安康侯甫編輯

吳明春伯生甫攷正

孫用之爾行甫校閱

○唐

始高祖武德元年戊寅終哀帝天祐四年丁卯二十一帝并武后合二百九十年梁朱溫滅之然天祐四年卽梁開平元年

高祖皇帝姓李名淵字叔德隴西成紀人其先

歷代通鑑輯覽卷之七十一
顯頊苗裔始祖涼武昭王李暠五世生祖虎
事後周封唐國公父昺生高祖於長安體有
三乳襲封唐公煬帝南巡天下盜起以高祖
爲大原畱守世子世民因有定天下之志與
晉陽令劉文靜謀起兵因宮監裴寂以脅高
祖大業十三年丁丑舉兵入長安立恭帝進
爵爲王明年戊寅遂卽皇帝位承隋火德以
土德王都長安建元武德在位九年謚神堯
大聖大光孝皇帝廟號太祖葬獻陵追封祖

爲太祖景皇帝父爲世祖元皇帝兄湫爲梁
王封弟湛爲蜀王子二十二隱太子建成太
宗衛懷王玄霸巢刺王元吉楚哀王智雲荆
王元景漢王元昌鄴悼王元亨周王元方徐
康王元禮韓王元嘉彭思王元則鄭惠王元
懿霍王元軌虢莊王鳳道孝王元慶鄧康王
元裕舒王元名魯王靈夔江安王元祥密貞
王元曉滕王元嬰妹一同安公主女十九長
沙公主襄陽公主平陽昭公主適柴紹高密

公主長廣公主萬春公主房陵公主九江公主廬陵公主南昌公主安平公主淮南公主真定公主衡陽公主丹陽公主臨海公主館陶公主安定公主常樂公主

太宗皇帝名世民高祖次子爲人英武有大志高祖有天下皆其功也初封秦王武德九年六月殺太子建成齊王元吉因立爲皇太子明年丁亥受內禪卽位改元貞觀在位二十三年謚文式大聖大廣孝皇帝葬昭陵子十

四常山愍王承乾楚王寬鬱林王恪濮恭王
秦庶人祐蜀悼王愔蔣王暉越王貞高宗紀
王慎江殤王囂代王簡趙王福曹王明女二
十一襄城公主汝南公主南平公主遂安公
主長樂公主豫章公主北景公主普安公主
東陽公主臨川公主清河公主蘭陵公主晉
安公主安康公主新興公主城陽公主合浦
公主金山公主晉陽公主常山公主新城公

主

高宗皇帝名治太宗第九子初封晉王庚戌卽
位改元者十四永徽六顯慶五龍朔三麟德
二乾封二總章二咸亨四上元二儀鳳三又
調露一永隆一開耀一永淳一弘道一在位
三十四年謚天皇大聖大弘孝皇帝葬乾陵
子八燕王忠原悼王孝澤王上金許王素節
孝敬皇帝弘章懷太子賢中宗睿宗女三義
陽公主高安公主太平公主

周則天皇后姓武名嬰武士彘之女并州文水

人初爲太宗才人高宗私之太宗崩削髮
居感業寺爲尼高宗召入立爲昭儀號宸
妃尋立爲后弘道元年癸未高宗崩明年
甲申臨朝稱制廢子中宗爲廬陵王僭竊
大位改國號周建子爲正自稱天冊金輪
聖神則天皇帝改元者十九嗣聖中宗一
月文明睿宗七月光宅共一年垂拱四年
永昌一年天授改載初二年如意改長壽
二年延載一年天冊萬歲改證聖一年又

萬歲通天改萬歲登封一年神功一年又
聖曆二年久視一年大足改長安四年共
僭位二十一年荒淫殘虐毀唐宗廟誅李
氏子孫幾盡賴狄仁傑忠諫復立廬陵王
後五王誅亂反正徙於正陽宮崩葬乾陵
中宗皇帝名顯高宗第七子初卽位爲太后所
廢遷於房州聖曆二年復爲皇太子長安五
年乙巳張柬之等以羽林兵討亂奉之卽位
改元者二神龍二景龍三在位五年爲后韋

氏及女安樂公主所醜謚大和大聖大昭孝
皇帝葬定陵韋后矯詔立溫王重茂自爲皇
太后攝政改元唐隆一月臨淄王隆基率萬
騎入北軍討亂反正中宗四子懿德太子重
潤卽重照譙王重福節愍太子重俊溫王重
茂女八新都公主宜城公主定安公主長寧
公主永壽公主永泰公主安樂公主成安公
主

睿宗皇帝名旦高宗第八子初封殷王徙封相

王武后廢中宗立爲皇帝改國號周復廢爲
皇嗣中宗復位進號安國相王景龍四年庚
戌韋后構逆子隆基誅韋后定內難奉以卽
位改元者四景雲二先天改太極五月又改
延和一在位三年傳位太子隆基謚玄真大
聖大興孝皇帝葬橋陵子六長讓皇帝憲初
爲宋王本名成器惠莊太子撝初爲申王名
成義玄宗惠文太子範初爲衛王惠宣太子
業初爲趙王隋王隆悌女十一壽昌公主安

興昭懷公主荆山公主淮陽公主代國公主
京國公主薛國公主鄔國公主金山公主王
真公主霍國公主

玄宗皇帝名隆基睿宗第三子初封臨淄王定
內難有功立爲太子癸丑受內禪卽位改元
者二開元二十九天寶十四在位四十二年
開元之際勵精政事幾致太平天寶三年改
年爲載相李林甫寵楊貴妃窮奢極欲養成
漁陽之變狼狽幸蜀傳位於肅宗自爲上皇

寶應元年崩於西內謚至道大聖大明孝皇
帝葬泰陵子三十人靜德太子琮謚奉天皇
帝太子瑛被殺肅宗棣王琰鄴王瑤被殺靖
恭太子琬光王琚被殺夏惇王一儀王琮穎
王璪懷思王敏求王璘壽王瑁延王玠盛宣
王琦濟王環信王瑄義王玼陳王珪豐王珙
恒王瑱涼王璿汴哀王璲餘七子天無傳女
三十末穆公主常芬公主孝昌公主唐昌公
主靈昌公主常山公主萬安公主上仙公主

懷思公主晉國公主新昌公主臨晉公主衛
國公主真陽公主信成公主楚國公主普康
公主昌樂公主永寧公主宋國公主齊國公
主咸宜公主宜春公主廣寧公主萬春公主
太華公主壽光公主樂城公主新平公主壽
安公主

肅宗皇帝名亨初名嗣昇更名浚又名紹玄宗
第三子天寶十五載丙申安祿山反於漁陽
玄宗避賊至馬嵬父老遮留太子討賊玄宗

許之遂自卽皇帝位於靈武改天寶十五載
爲至德元載玄宗幸蜀卽馳使禪位改元者
三至德二載乾元二載上元二載又改載爲
年寶應一其在位七年謚文明武德大聖大
宣孝皇帝葬建陵子十四代宗越王係承天
皇帝倓衛王佖彭王儼兗王儻涇王佺鄆王
榮襄王儂杞王倓召王偲恭懿太子侶定王
侗皇子僖女七宿國公主蕭國公主和政公
主郟國公主紀國公主永和公主郜國公主

代宗皇帝名豫一名倣肅宗長子初爲天下兵

馬大元帥進封楚王癸卯卽位改元者有三

廣德二未泰一大曆十四在位十七年謚睿

文孝武皇帝葬元陵子二十德宗昭靖太子

邈均王遐睦王述丹王逾恩王連韓王廻簡

王邁益王迺隋王迅荆王選蜀王遡忻王造

韶王暹嘉王運端王遇循王適恭王通原王

達雅王逸女十八靈仙公主真定公主未清

公主齊國昭懿公主華陽公主玉清公主嘉

豐公主長林公主太和公主趙國莊懿公主
玉虛公主普寧公主晉陽公主義清公主壽
昌公主新都公主西平公主章寧公主

德宗皇帝名适代宗長子初爲天下兵馬大元
帥進封魯王庚申卽位改元者有三建中四
興元一貞元二十一在位二十五年奉天之
難專事姑息藩鎮之禍始於此矣謚神武聖
文皇帝葬崇陵子十一長順宗次舒王誼本
昭靖太子之子取爲第二子通王譔虔王諒

肅王詳文敬太子諡本順宗子取爲第六子
資王謙代王諲昭王誠欽王諤珍王誠女十
一韓國貞穆公主魏國憲穆公主鄭國莊穆
公主臨真公主永陽公主普寧公主文安公
主燕國襄穆公主義川公主宜都公主晉平
公主

順宗皇帝名誦德宗長子乙酉卽位改元永貞
在位八月傳位於太子謚至德弘道大聖大
安孝皇帝葬豐陵子二十七憲宗郊王經均

王緯澈王縱莒王紆密王綢郇王總邵王約
宋王結集王緡冀王絳和王綺衡王絢會王
纁福王綰珍王繕撫王統嶽王緄袁王紳桂
王綸翼王綽靳王緝欽王績餘四子蚤夭無
謚女十一漢陽公主梁國恭靖公主東陽公
主西河公主雲安公主襄陽公主潯陽公主
臨汝公主虢國公主平恩公主邵陽公主

憲宗皇帝名純順宗長子丙戌受內禪卽位改
元元和在位十五年爲內侍陳弘志所弑謚

昭文章武大聖至神孝皇帝葬景陵子二十
穆宗宣宗惠昭太子寧澧王渾深王淙洋王
忻絳王悟建王恪鄜王憬瓊王悅沔王恂婺
王懌茂王愔淄王協衡王愴澶王忱棣王惲
彭王愔信王愐榮王憤女十八梁國長公主
永嘉公主衡陽公主宣城公主鄭國溫儀公
主岐陽莊淑公主陳留公主貞寧公主南康
公主臨真公主普康公主真源公主永順公
主安平公主永安公主義寧公主定安公主

貴卿公主

穆宗皇帝名恒憲宗第三子初封遂王憲宗崩
 梁守謙等稱遺詔立之辛丑卽位改元長慶
 在位四年謚睿聖文惠孝皇帝葬光陵子五
 敬宗文宗武宗懷懿太子湊安王溶女八義
 豐公主淮陽公主延安公主金堂公主清源
 公主饒陽公主義昌公主安康公主

敬宗皇帝名湛穆宗長子乙巳卽位改元寶曆
 在位二年為中官劉克明所弑謚睿武昭愍

孝皇帝葬莊陵子五悼懷太子普梁王休復
襄王執中紀王言揚陳王成美女三未興公
主天長公主寧國公主

文宗皇帝名昂穆宗第二子初封江王敬宗崩
中尉王守澄等奉而立之丁未卽位改元者
二太和九開成五在位十四年謚元聖昭獻
孝皇帝葬章陵子二莊恪太子未蔣王宗儉
女四興唐公主西平公主卽寧公主光化公
主

武宗皇帝名炎穆宗第五子初封穎王左右神
策護軍中尉魚弘志仇士良立爲皇太弟而
廢太子成美使復爲陳王帝辛酉卽位改元
會昌在位六年謚至道昭肅孝皇帝葬端陵
子五杞王峻益王峴兗王岐德王暉昌王嗟
女七昌樂公主壽春公主長寧公主延慶公
主靜樂公主樂溫公主永清公主

宣宗皇帝名忱憲宗第十三子初爲光王中尉
馬元贄立爲皇大叔武宗崩丁卯卽位改元

天中在位十三年謚元聖至明成武獻文睿
智章仁神聰懿道大孝皇帝葬貞陵子十二
懿宗靖懷太子漢雅王涇通王滋慶王沂濮
王澤鄂王潤懷王洽昭王汭康王汶廣王滌
衛王灌女十一萬壽公主永福公主齊國恭
懷公主廣德公主義和公王饒安公主盛唐
公主平原公主唐陽公主許昌莊肅公主豐
陽公主

懿宗皇帝名漵宣宗長子始封鄆王宣宗愛夔

王滋欲立之以懿宗長未決宣宗崩中尉王宗實等矯詔立之庚辰卽位改元咸通在位十四年謚昭聖恭惠孝皇帝葬簡陵子八僖宗昭宗魏王侑涼王佖蜀王愔威王偁吉王保恭哀太子倚女八衛國文懿公主安化公主普康公主昌元公主昌寧公主金華公主仁壽公主未壽公主

僖宗皇帝名儼懿宗第五子初封普王名儼懿宗疾大漸中尉劉行深立爲皇太子甲午卽

位改元者五乾符六廣明一中和四光啓三
文德一在位十五年廣明元年黃巢作亂入
長安帝幸成都五年滅之光啓元年朱玫反
以襄王煨僭卽皇帝位改元建真三月尋誅
滅之由是干戈日尋權歸藩鎮唐室始不振
矣謚惠聖恭定孝皇帝葬靖陵子二建王震
益王陞女二唐興公主永平公主

昭宗皇帝名晔懿宗第七子初封壽王文德元
年三月僖宗崩羣臣以吉王長欲立之觀軍

容使楊復恭迎帝卽位明年己酉改元龍紀
一天順二景福三乾寧四光化五天復三遷
都洛陽又改天祐一共改元者七在位十六
年爲朱全忠所弑謚聖穆景文孝皇帝葬和
陵子十七德王裕哀帝棣王禩虔王禊沂王
禔遂王禕景王祕祁王禛雅王禎瓊王祥端
王禎豐王祁和王福登王禧嘉王祐穎王禔
蔡王祐女十一新安公主平原公主信都公
主益昌公主唐興公主德清公主太康公主

末明公主新興公主普安公主樂平公主
哀帝名祝昭宗第九子初封輝王朱全忠已弑
昭宗矯詔立帝爲皇太子天祐元年甲子八
月卽位因昭宗天祐年號在位三年終丁卯
三月朱全忠篡位封爲濟陰王復弑之年十
七謚曰昭宣帝葬溫陵唐亡

謹按唐起高祖武德戊寅至元順帝至正
丁未共計七百五十年

唐僭位改元五國

燕

安祿山營州柳城胡人本姓康其母阿史德
爲覲居突厥中禱子於軋犖山旣而妊生
祿山遂字之隨母嫁虜將安延偃冒姓安
更名祿山伎忍多智善億測人情通六番
語天寶元年爲范陽節度河北採訪使仍
領平盧軍玄宗極尊寵之使爲楊貴妃養
子肆行無忌天寶十三年十一月遂反於
漁陽明年乙未僭稱雄武皇帝國號燕建

元聖武入據長安僭位二年目盲疽發子
慶緒使李猪兒弑之矯詔自立改聖武二
年爲載初元年又改天成天和縱樂飲酒
戰敗棄長安奔鄴唐兵圍急奉璽綬讓於
史思明思明救之却王師遂縊死慶緒并
其四弟祿山父子僭位凡三年而滅

史思明寧夷州突厥種初名宰于玄宗賜其
名爲人姿癯露爲肩偃背瘖目側鼻寡鬚
髮躁健猶狡與祿山共鄉里生先祿山一

日初黨祿山後降唐封歸義郡王乾元二年已亥復反僭稱大聖周王建元應天救相州殺慶緒并其衆更國號大燕自稱應天皇帝改元順天鑄順天得一錢僭位三年長孳子史朝義弑之遂卽位於東京改元顯聖敗於莫州老成宿將皆莫爲用逃奔漁陽國止幽州縊死思明父子僭位凡四年而滅

楚

李希烈燕州遼西人少籍平盧軍有功拜節
度使建中四年反自稱建興王天下都元
帥遂據汴卽皇帝位國號楚建元武成貞
元二年希烈勢日蹙遂成病親將陳仙奇
陰令醫毒之以死斬希烈并妻子七首函
獻天子尸之於市希烈僭位凡四年而滅

秦

朱泚幽州昌平人父懷珪事安史二賊大曆
七年泚與弟滔爲朱希彩部將希彩爲下

所殺拜泚盧龍節度使泚入朝京師遂失
權滔得爲節度畱後建中四年十月詔涇
原節度使姚令言督鎮兵五千救襄城過
關反入宮剽掠天子出幸奉天泚遂乘機
僭卽皇帝位國號大秦建元應天圍逼奉
天三旬有六日敗於李懷光而退又更國
號漢改元天皇共僭位一年興元元年五
月其將韓旻射墜窖中斬之傳首以獻

齊

黃巢曹州冤句人世鬻鹽富於貲財善擊劍
騎射喜養亡命乾符二年王仙芝作亂於
河南所在剽掠巢與八人募衆數千以應
之北掠齊魯號衝天大將軍廣明元年庚
子十一月陷東京遂入長安僭卽皇帝位
國號大齊建元金統殺人血流可涉謂之
洗城中和三年李克用收復長安巢敗奔
其賊將斬巢首以降共僭位五年而滅

越

董昌杭州臨安人初自領州事鎮海節度使
託神詭衆乾寧二年僭卽皇帝位國號大
越羅平建元天田自稱聖人鑄銀印方四
寸文曰順天治國之印浙東道招討使錢
鏐攻之懼降不許焉鏐將顧全武詒而執
之斬首送京師僭位凡二年而滅

○五代

始梁太祖開平丁卯終周恭帝顯德己未共
五十三年

梁

後梁

始太祖開平元年丁卯終末帝龍德三年癸未二帝凡十七年後唐莊宗滅之然龍德三年卽唐同光元年

太祖皇帝姓朱名溫宋州碭山午溝里人父誠以五經教授鄉里生三子長全昱次存三爲帝帝兇悍有勇力初從黃巢爲盜力屈降唐賜名全忠拜汴州刺史宣武軍節度使後封梁王赧昭哀二帝天祐四年丁卯夏四月卽

皇帝位更名冕改國號曰梁升汴州爲開封
府建爲東都以唐東都爲西都承唐土德以
金德王建元開平四又改乾化二改元者二
在位六年謚神武元聖孝皇帝追尊父誠爲
烈祖文穆皇帝母文惠皇后封兄全昱爲廣
王其三子友諒衡王友能惠王友誨邵王又
追封兄存爲朗王其二子友寧安王友倫密
王帝八子彬王友裕郢王友珪福王友璋末
帝賀王友雍建王友徽康王友孜目重瞳子

後以反誅又養子博王友文女萬安大長公主安陽公主金華公主乾化二年六月帝病謂友文妻王氏召友文友珪妻張氏以告友珪遂率牙兵夜入弑帝刃出於背而死友珪帝第二子乃宋逆旅婦人野合所生矯詔殺友文而卽位明年癸酉改元鳳曆二月均王友貞起兵誅之

末帝名友貞更名瑱太祖第四子初封均王鳳曆元年癸酉二月起兵入東都誅友珪卽位

復鳳曆二年稱乾化三年明年爲四年又改
貞明六龍德三改元者二在位十一年唐莊
宗伐梁戰敗自殺梁亡

唐

後唐

始莊宗同光元年癸未終潞王清泰三年丙
申四帝三姓凡十四年晉石敬瑭滅之然清
泰三年卽晉天福元年

莊宗皇帝姓李名存勗小字亞子晉王李克用
之長子其先本號朱耶蓋出於西突厥至其

後別自號曰沙陀而以朱邪爲姓祖赤心以
討龐勛有功拜振武軍節度使賜姓名李國
昌父克用破黃巢復京師功第一拜河東節
度使封隴西郡王進封晉王天祐四年丁卯
梁滅唐明年父晉王卒帝嗣王位於太原遂
破梁兵於夾寨天祐二十年癸未滅梁卽皇
帝位國號唐復爲土德王都鄴後遷洛建元
同光在位三年追尊父克用爲太祖武皇帝
封弟邕王存美末王存霸薛王存禮申王存

渥睦王存義通王存確雅王存紀同光四年
丙戌四月李嗣源反伶人郭從謙作亂帝中
流矢而崩謚光聖神愍孝皇帝葬雍陵子五
長魏王繼及次繼高繼潼繼蟾繼嶢皆幼未
受封

明宗皇帝世本夷狄無姓氏父電爲鴈門部將
生子邈佶烈以騎射事太祖賜姓名李嗣源
以爲養子同光四年丙戌三月趙在禮反於
魏大臣請遣之討賊莊宗不許不得已遣之

乃反與魏合兵入汴莊宗崩於洛遂卽皇帝
位改元天成四又改長興四在位八年子四
長從璟初名從審以明宗反見誅秦王從榮
閔帝許王從益養子潞王從珂最長女晉國
公主末寧公主末安公主瓊華公主

閔皇帝名從厚明宗第三子初封宋王長興四
年癸巳十一月秦王從榮反伏誅召王於鄴
明宗崩遂卽位明年甲午改元應順四月鳳
翔節度使從珂反帝出居衛州遂入京師降

帝爲鄂王尋弒之并殺其四皇子

廢帝鎮州平山人本姓王氏其世微賤母魏氏少寡有子阿三已十餘歲明宗過平山掠得之養以爲子名曰從珂明宗入立封潞王後爲鳳翔節度使長興四年據城反遂入長安弒閔帝自立甲午卽位改元清泰在位三年河東節度使石敬瑭反以契丹兵犯京師帝與太后并二子重吉重美女幼澄俱自焚死

唐亡

晉 後晉

始高祖天福元年丙申終出帝開運三年丙午二帝凡一十一年契丹耶律德光滅之

高祖皇帝其父臬捩雞本出於西夷自朱邪歸唐從李克用征伐有功爲洛州刺史生敬瑭其姓石氏不知得姓之始初事明宗爲太原節度使尚永寧公主清泰三年廢帝疑其反徙鎮天平遂反求援於契丹約爲父子稱臣遂滅後唐丙申卽皇帝位國號晉承唐土德

以金德王都汴以幽涿薊檀順瀛漠蔚朔雲
應新媯儒武襄十六州入於契丹建元天福
在位七年謚聖文章武明德孝皇帝追尊皇
考爲獻祖孝元皇帝兄敬儒爲宋王弟敬德
爲福王敬殷爲通王從弟重胤養以爲子封
鄭王妹烏氏公主子六楚王重信壽王重義
號王重英夔王重進重睿幼未封重杲小名
馮六最幼

出帝名重貴高祖兄宋王敬儒之子初封齊王

天福八年癸卯高祖崩五子皆亡而重睿幼故立之卽皇帝位於柩前明年改元開運通共在位四年與契丹絕盟契丹舉兵入汴舉族出降封負義侯并太后與二子延煦延寶驅之北行遷黃龍府不知所終晉亡

漢

後漢

始高祖天福十二年丁未終隱帝乾祐三年庚戌二帝凡四年周郭威滅之

高祖皇帝姓劉名暉初名知遠其先沙陀部人

後世居於太原初事晉高祖領忠武軍節度使後封北平王開運四年丁未契丹滅晉中原無主遂卽皇帝位於晉陽仍稱天福十二年國號漢承晉金德以水德王都汴明年戊申改元乾祐二月崩謚睿文聖武昭肅孝皇帝葬睿陵追尊父瑛爲顯祖章聖皇帝封弟崇爲太原尹北京畱守後爲北漢皇帝信爲蔡王子三魏王承訓蚤薨隱帝陳王承勛

隱皇帝名承祐高祖第二子乾祐元年戊申二

月卽位仍稱乾祐年號在位三年庚戌鎮寧
軍節度使郭威反舉兵入汴隱帝出禦之焉
亂兵所弑時年二十高祖父子共在位四年
郭威乃請李太后臨朝議立高祖弟劉崇之
子贊未至遣人拒之於路廢爲湘陰公尋弑
之漢亡

周

後周

始太祖廣順元年辛亥終恭帝顯德七年庚
申三帝二姓凡十年禪於宋然顯德七年卽

朱建隆元年

太祖皇帝姓郭名威邢州堯山人父簡事晉拜
順州刺史焉劉仁恭所殺威少賤黥其頸上
焉飛雀世謂之郭雀兒初仕漢為侍衛親軍
都虞侯及高祖即位拜樞密使隱帝三年拜
鄴都留守舉兵入汴弑隱帝隱帝叔崇起兵
將入汴帝乃立崇之子贊詒崇曰世間豈有
雕青天子乎幸公無以我為疑崇信之罷兵帝
遂廢贊自即皇帝位改國號周承漢水德以

木德王都汴追尊父簡爲慶祖章肅皇帝明
年辛亥建元廣順在位三年謚聖神恭肅文
武孝皇帝葬高陵初太祖舉兵於魏漢以兵
圍其第誅張貴妃并子青哥意哥及帝卽位
青哥賜名侗封郟王意哥賜名信封杞王後
卒無子立后兄柴守禮之子爲嗣是爲柴世
宗

世宗皇帝名榮本姓柴氏柴守禮之子邢州龍
崗人姑適周太祖爲聖穆皇后無子榮幼從

姑長太祖家太祖愛之以爲子封晉王顯德
四年甲寅正月太祖崩乃卽位改元顯德在
位六年取秦隴平淮右復三關制度禮樂可
施後世謚睿武孝文皇帝葬慶陵子七長宜
哥太祖賜名宗誼次宗誠宗誠皆遇害於漢
追封誼越王誠吳王誠韓王又次恭帝曹王
熙讓紀王熙謹蘄王熙誨

恭皇帝名宗訓世宗第四子初封梁王顯德六
年己未卽位年七歲在位一年未改元以顯

德七年庚申正月禪位於宋封爲鄭王周亡
謹按五代起梁太祖開平丁卯至元順帝
至正丁未共計四百六十一年

五季僭位改元十二國

吳

吳據淮南統二十八州始唐昭宗景福元
年壬子終晉高祖天福二年丁酉四主凡
四十六年南唐篡之

晉
楊行密字化源廬州合肥人初爲盜後應募

為州兵因亂據廬州唐景福元年拜淮南
節度使凡十年封吳王凡五年共十五年
後溥僭號追尊為太祖武皇帝墓曰興陵
楊渥行密長子嗣為淮南節度使封弘農郡
王立二年張顥徐溫使盜弑之後溥追尊
為烈宗景皇帝墓曰紹陵

楊隆演行密第二子初名瀛嗣為弘農王凡
一十一年僭即吳王位改天祐十六年為
武義元年凡二年共十三年後溥追尊為

高祖宣皇帝墓曰肅陵

楊溥行密第四子徐溫立之嗣吳王位改元
順義凡六年僭卽皇帝位改元乾貞二又
太和六天祚二共十六年建都金陵爲徐
溫子知誥所篡謚曰睿吳亡

南唐

南唐據江南統三十五州晉高祖天福
二年丁酉終宋太祖開寶八年乙亥三主
凡三十九年宋滅之

李昇字正倫徐州人世本微賤父榮遇唐末亂亡昇少孤流寓濠泗楊行密見而奇之養以爲子楊氏諸子不能容行密以乞徐溫乃冒姓徐氏名知誥初拜昇州刺史楊溥僭號進太尉出鎮金陵封齊王天祚三年丁酉晉天福二年也受吳禪卽皇帝位國號齊建元昇元追尊父徐溫爲忠武皇帝三年復姓李氏更名昇自言唐憲宗子建王恪四世孫改其國號曰唐在位十年

謚光文肅武孝高皇帝廟號烈祖墓曰永陵

李景初名景通昇之長子嗣位改元保大十五年周世宗伐之急去帝號奉周正朔又改元交泰一中興二遷都於洪州鑄大錢以一當十文曰永通泉貨在位十八年謚明道崇德文宣孝皇帝廟號元宗墓曰順陵

李煜初名從嘉景第六子豐頤駢齒一目重

唐書卷一百一十七卷
瞳子善屬文工書畫自太子冀以上五子皆蚤卒煜嗣立於金陵是爲李後主在位十一年宋命曹彬伐之俘煜至京師封違命侯南唐亡

前蜀

前蜀據西川統四十八州始唐昭宗大順二年辛亥終唐莊宗同光三年乙酉二主凡三十五年唐莊宗滅之

漢王建字光圖許州舞陽人少無賴里人謂之

賊王八後屬楊復光討黃巢與晏弘等爲
八都頭僖宗以屬田令孜孜以爲養子孜
敗奔成都攻陳敬瑄殺之并殺令孜自稱
留後凡七年又爲西川節度使凡六年天
福三年封蜀王凡四年梁開平二年遂僭
卽皇帝位建元武成三又改永平五通政
一天漢一改國號漢又改光天一復國號
蜀共在位二十八年謚神武聖文孝德明
惠皇帝廟號高祖墓曰永陵子十一衛王

宗仁簡王宗膺趙王宗紀幽王宗輅韓王
宗智莒王宗特信王宗傑魯王宗鼎興王
宗澤薛王宗平衍最幼

王衍建第十一子初封鄭王光天元年卽位
明年改元乾德六咸康一在位七年荒淫
無度唐魏王繼岌伐蜀迎降莊宗使人於
道誅之蜀亡

後蜀

後蜀據西川統四十六州始唐莊宗同光

三年乙酉終宋太祖乾德三年乙丑四主
凡四十一年宋滅之

孟知祥字保胤邢州龍崗人父道事晉不顯
至知祥爲太原尹唐莊宗同光三年乙酉
滅蜀使知祥守之凡七年遂反攻殺董璋
并有東川明宗封爲蜀王凡二年遂卽皇
帝位建元明德一年共十年謚文武聖德
英烈明孝皇帝廟號高祖墓曰和陵

孟昶知祥第三子初名仁贊卽位三年仍稱

明德至四年始改元廣政凡二十八年共
在位三十一年宋命王全贊伐蜀迎降俘
入京師封秦國公七日而卒後蜀亡

南漢

南漢據廣州統四十七州始唐哀帝天祐
二年乙丑終宋太祖開寶四年辛未五主
凡六十七年宋滅之

劉隱其祖安仁上蔡人也後徙閩中商賈南
海因家焉父謙唐僖宗時爲廣州刺史生

三子隱台巖謙卒隱嗣位天祐二年拜節
度使後封南平王又進南海王凡十年追
謚襄皇帝

劉龔初名巖謙庶子隱之弟嗣立七年僭卽
皇帝位國號大越後又改號漢建元乾亨
八白龍三大有十四共在位二十五年謚
天皇大帝廟號高祖墓曰康陵子二十一
劉玠初名洪度龔第三子初封秦王嗣位改
元光天在位二年荒淫不能任事妖人張

遇賢自稱中天大國王改元末樂攻陷郡邑玠無如之何弟晟使人拉殺玠謚曰殤

劉晟初名洪熙封晉王既弑兄自立乃改元

應乾又改乾和在位十五年盡殺其諸弟

謚文武光聖明孝皇帝廟號中宗墓曰昭

陵子五人

劉鋹初名繼興封衛王晟之長子卽位改元

大寶立十五年無道作燒煮剝剔刀山劍

樹之刑宋太祖命潘美伐之擒赴京師封

恩赦侯南漢亡

北漢

五代史稱東漢

北漢據晉陽統十二州始周太祖廣順元年辛亥終宋太宗太平興國四年己卯四主三姓凡二十九年宋滅之

劉崇更名旻漢高祖智遠之弟美鬚髯目重瞳子少無賴嘗黥爲卒高祖卽位爲太原尹北京畱守隱帝遇弒謀舉兵聞立其子贇乃喜罷兵後周篡位遂以廣順元年卽

皇帝位於太原仍稱乾祐年號在位四年
與周戰敗憂憤而卒

劉承鈞旻次子稱男奉事契丹述律答詔呼
爲兒許其嗣位甲寅卽位三年丁巳乃改
乾祐十年爲天會元年共在位一十四年
病卒

劉繼恩本姓薛氏父釗爲卒旻以女妻之生
繼恩女常居中罕得見釗不平因醉拔佩
刀刺之不死因自裁後女適何氏生繼元

何氏及女皆卒旻以承鈞無子命養二人
爲子承鈞卒繼恩告契丹得立在位二月
爲供奉官侯霸榮所殺

劉繼元亦承鈞養子繼恩弒郭元旣誅霸榮
迎而立之戊辰卽位改元廣運立十一年
爲人殘忍旻諸子皆爲所殺宋太宗親征
并州繼元乃迎降封彭城公北漢亡

楚

楚據湖南統二十三州始唐昭宗乾寧三

歷代通鑑輯覽卷之三十三
年丙辰終周太祖廣順元年辛亥六主凡
五十六年南唐滅之

馬殷字霸圖許州鄆陵人初從秦宗權爲盜
後與建峰入據潭州唐僖宗封爲馬步軍
指揮使昭宗乾寧三年拜潭州刺史授武
安軍節度使五代梁唐進封楚王共在位
三十三年長興元年卒謚武穆

馬希聲殷次子以母寵立長子希振棄官歸
道士居於家希聲在位二年長興三年卒

追封衡陽王

馬希範殷第四子嗣楚王位一十五年開運四年卒謚文昭

馬希廣範同母弟立四年爲兄朗州節度使希萼攻入弑之

馬希萼乾祐三年弑弟自立遂臣於南唐李景景封爲楚王一年弟希崇作亂囚之

馬希崇廣之弟謀奪兄希萼位而自立一年亦臣於南唐李景周廣順元年景遣邊鎬

入楚盡遷馬氏之族於金陵楚亡

吳越

吳越據兩浙統十三州始唐昭宗乾寧二年乙卯終宋太宗太平興國三年戊寅五主凡八十四年納土於宋國除

錢鏐字具美杭州臨安人少無賴販鹽爲盜後以討黃巢功拜杭州刺史乾寧二年越州董昌反攻執平之改授鎮海軍節度使還治錢塘天復二年封越王天祐元年封

吳王梁太祖封吳越王賜所居城爲安國
衣錦軍唐莊宗賜玉冊金印共在位三十
二年壽八十一謚武肅

錢元瓘鏐之子嗣立十年天福六年杭州大
火燒宮室迨盡元瓘大懼因病狂卒謚文
穆

錢弘佐元瓘子嗣位六年開運四年卒謚忠
獻

錢弘侖佐之弟以次嗣位立一年爲其大將

胡進思所廢

錢弘俶侖之弟嗣位凡三十五年宋太平興國三年來朝納土舉族歸於京師其後子孫仕宋多爲顯官吳越亡

閩

閩據福建統五州始唐昭宗景福元年壬子終晉出帝開運三年丙午六主凡五十五年南唐滅之

王審知字信通光州固始人父恁世爲農兄

潮初與審知爲盜光啓二年拜泉州刺史
景福元年卽以爲福建觀察使潮卒審知
代立進封琅琊王凡一十五年梁太祖封
爲閩王凡一十九年共三十四年同光三
年卒謚忠懿

王延翰審知長子嗣立一年取史記示將吏
謂閩自古王地建國稱王猶稟唐正朔弟
延稟延鈞以兵入弑之

王鏐初名延鈞審知次子弑兄嗣立凡五年

長興三年僭卽皇帝位國號閩建元龍啓
三年又改永和追尊審知爲太祖昭武孝
皇帝共在位一十年子繼鵬與皇城使李
倣弑之謚惠皇帝廟號太宗

王繼鵬鱗長子旣立更名昶改元通文三年
連重遇朱文進縱火焚南宮昶出宿於野
被殺謚康宗

王延羲審知少子旣立更名曦淫虐沉酒改
元永隆鑄大鐵錢以一當十四年延政自

立於建州六年出遊醉歸連重遇等遣壯士於馬上拉殺之謚景宗

統王延政審知子曦既淫虐延政馳書諫之曦怒攻延政延政遂以建州建國稱殷改永隆五年爲天德元年明年爲晉出帝開運元年連重遇弒曦朱文進自立閩大亂南唐發兵攻滅之開運三年遂攻破建州遷延政之族於金陵延政凡立四年閩亡

南平

南平據荆南統三州始梁太祖開平元年
丁卯終宋太祖乾德元年癸亥五主凡五
十七年宋滅之

高季昌字貽孫後避唐諱更名季興陝州硤
石人少爲汴州富人李讓家僮讓以入貲
得幸於梁太祖賜姓名朱友讓爲養子見
季昌奇之因命養爲子昌姓朱氏以破岐
功拜宋州刺史復姓高氏開平元年加荆
南節度使末帝封渤海王唐莊宗封南平

王又以荆歸峽三州臣於吳吳冊焉秦王
共立二十二年有九子天成三年卒謚武
信

高從誨季昌長子長興元年唐拜爲節度使
封渤海王又封南平王凡立二十年時晉
南漢閩蜀皆稱帝從誨俱臣事之利其賜
予故人稱爲高賴子猶言無賴也乾祐元
年卒謚文獻子十五人

高保融從誨第三子嗣立十二年建隆元年

卒謚貞懿

高保勗從誨第十子嗣立二年卒

高繼冲保融之子嗣立一年宋乾德元年慕容延釗討荆南襲降之納土國除

岐

秦據鳳翔統二十州始唐僖宗光啓三年丁未終後唐莊宗同光二年甲申凡三十八年後唐明宗滅之

李茂貞本姓宋名文通深州博野人初爲博

野軍卒戍鳳翔以擊黃巢有功遷軍校又
擊敗朱玖光啓三年拜武定軍節度使賜
姓名李茂貞又拜鳳翔隴右節度使二舉
兵犯京師加尚書令封岐王後唐改封秦
王共立三十八年同光二年疾卒謚忠敏
後子從儼嗣爲鳳翔節度使廢帝時卒年
代不紀

燕

劉守光深州樂壽人父仁恭事幽州李可舉

能穴地道以攻城軍中號劉掘頭乾寧元
年唐以爲幽州留後拜盧龍節度使子守
文爲橫海節度使凡一十四年仁恭有愛
妾守光蒸之開平元年守光遂執仁恭幽
之殺兄守文自稱盧龍節度使凡四年乾
化元年遂僭卽皇帝位國號燕建元應天
凡二年共在位六年明年晉遣周德威攻
破之執守光并仁恭及家族斬之燕亡

歷代帝王曆祚考卷之七終

歷代帝王曆祚考卷之八

新安吳繼安康侯甫編輯

吳明春伯生甫攷正

孫用之爾行甫校閱

○宋

始太祖建隆元年庚申至欽宗靖康元年丙午都汴京是爲北宋凡九帝一百六十七年高宗南渡自建炎元年丁未迄少帝德祐元年乙亥都臨安是爲南宋凡七帝一百四十

九年共三百一十六年并端宗衛王凡三百二十年胡元滅之

太祖皇帝姓趙名匡胤涿郡人其先黃帝孫高陽之後周穆王封造父於趙城因氏焉至漢京兆尹趙廣漢居涿郡世爲涿郡人祖敬歷營蘄涿三州刺史父弘殷事後唐漢周三朝累官檢校司徒贈太尉生子五長曹王光濟蚤薨次太祖太宗魏悼王廷美岐王光瓚初太祖生於洛陽夾馬營赤光繞室異香經宿

不散體有金色三日不變長事周世宗累立
戰功拜殿前都檢點顯德七年庚申春北漢
結契丹入寇命出師禦之次陳橋驛兵變逼
立太祖爲天子遂回軍受恭帝禪卽皇帝位
改顯德七年爲建隆元年定有天下之號曰
宋承周木德以火德王都汴今開封府追尊
皇考爲宣祖武昭皇帝尊母杜氏爲皇太后
封妹爲秦國大長公主改元三建隆三乾德
五開寶八在位一十六年謚啓運立極英武

睿文神德聖功至明大孝皇帝葬永昌陵子
四滕王德秀燕懿王德昭舒王德林秦康惠
王德芳林芳皆蚤夭女六申國成國三公主
皆蚤薨餘封衛國魯國陳國皆大長公主

太宗皇帝名炆初名匡義後賜改光義宣祖第
三子初仕周至供奉官都知太祖卽位爲開
封尹封晉王開寶九年丙子太祖崩遂卽皇
帝位改是年爲太平興國凡八年又改雍熙
四端拱二淳化五至道三改元者五在位二

十二年謚神功聖德文武皇帝葬永熙陵子
九楚王元佐昭成太子元僖真宗商恭靖王
元份越文惠王元傑鎮恭懿王元偓楚恭惠
王元僖周恭肅王元儼崇王元億女七長滕
國公主蚤薨次封徐國邠國楊國雍國衛國
荆國皆大長公主

真宗皇帝名恒初名德昌太宗第三子姿表特
異左足指有文成天字比就學受經一覽成
誦始封韓王改名元休徙封襄王改名元侃

又進封壽王立爲皇太子至道三年卽位明年戊戌改元咸平六景德四大中祥符九又天禧五乾興一改元者五在位二十五年謚膺符稽古神功讓德文明武定章聖元孝皇帝葬未定陵子六溫王禔悼獻太子祐昌王祗信王祉欽王祈仁宗禔祗祈皆蚤夭女二長惠國公主蚤薨次封昇國大長公主

仁宗皇帝名禎初名受益眞宗第六子李宸妃所生劉太后養以爲己子初封壽春郡王天

禧二年立爲皇太子癸亥卽位太后同御承
明殿垂簾聽政改元者九天聖九明道二又
景祐四寶元二康定一慶曆八皇祐五至和
二嘉祐八在位四十一年謚體天法道極功
全德神文聖武睿哲明孝皇帝葬永昭陵子
三楊王昉雍王昕荆王曦皆蚤夭女十三長
周陳國大長公主徐國鄧國鎮國楚國商國
魯國唐國陳國豫國九公主皆蚤薨餘封秦
魯國兗國燕舒國皆大長公主

英宗皇帝名曙太宗曾孫商王元份子允讓封
濮安懿王生二十八子帝第十三年方四歲
仁宗養於宮中賜名宗實立爲皇太子嘉祐
八年卽位明年甲辰改元治平在位四年謚
體乾應曆隆功盛德憲文肅武睿聖宣孝皇
帝葬未厚陵子四神宗吳榮王顥潤王顏益
端獻王顥顏蚤夭女四封魏楚國魏國韓魏
國皆大長公主幼舒國公主蚤夭

神宗皇帝名頊英宗長子生於濮王宮祥光滿

室羣鼠吐五色氣成雲賜名仲鍼立爲皇太子
子治平四年卽位明年戊申改元熙寧十又
元豐八改元者二在位一十八年謚紹天法
古運德建功英文烈武欽仁聖孝皇帝葬未
裕陵子十四成王侑惠王僅唐哀獻王俊褒
王仲冀王偁哲宗豫悼惠王价徐冲惠王侗
儀王偉八王皆蚤薨吳榮穆王似徽宗燕王
俱楚榮憲王似越王偲女十周國長公主唐
國長公主潭國賢孝長公主餘楚國鄆國潞

國邢國邠國兗國六公主蚤薨幼女封徐國長公主

哲宗皇帝名煦初名備神宗第六子元豐八年立爲皇太子初太子宫中常有赤光至是卽位光益熾如火明年丙寅改元元祐宣仁高太后同聽政凡八年太后崩改元紹聖四年元符三改元者三在位一十五年謚憲元繼道顯德定功欽文睿武齊聖昭孝皇帝葬永泰陵子一獻愍太子茂三月而天女四陳

公主秦國康懿長公主鄧國楊國二公主蚤薨

徽宗皇帝名佶神宗第十一子初封端王哲宗無子元符三年皇太后稱遺制迎之卽位明年辛巳改元建中靖國一崇寧五大觀四又政和七聖和一宣和七改元者六在位一十五年金兵犯闕禪位於皇太子自稱道君太上皇帝靖康元年出幸鎮江府四月環京師金人脅以止行紹興五年崩於五國城謚體

神合道駿烈遜功聖文仁德懿慈顯孝皇帝
子三十一欽宗堯王禪智王楷荆王緝肅王
樞荆王杞濟王栩益王晟高宗邠王材邾王
模莘王植儀王朴徐王棟沂王禔郟王棋和
王棻信王榛漢王椿安康郡王握廣平郡王
捷陳國公機相國公樞瀛國公機建安郡王
棋嘉國公椅溫國公棟莒國公樞儀國公綢
昌國公柄潤國公樞榭楫材棋椿機六王蚤
薨女三十四改公主號爲帝姬國號易以美

名長嘉德帝姬次榮德順淑安德茂德壽淑
惠淑安淑崇德康淑榮淑保淑成德洵德悼
穆顯德熙淑敦淑順德柔福申福寧福保福
賢福仁福和福永福惠福令福華福慶福儀
福純福恭福皆稱帝姬十四公主蚤薨餘皆
北遷獨恭福生纔周歲未行封隋國公主

欽宗皇帝名桓徽宗長子政和七年十二月受
內禪卽皇帝位明年丙午改元靖康春二月
金兵圍京師議和退兵八月復來遂陷京師

金人脅帝與上皇太子及后妃諸王公主以
北行府庫圖籍寶器一空更立異姓張邦昌
爲楚帝明年五月康王卽位於南京遙尊爲
孝慈淵聖皇帝紹興三十一年崩間至謚恭
文順德仁孝皇帝二長皇太子諶後在五
國城又生次子訓

高宗皇帝名構字德基徽宗第九子少朗悟讀
書日千餘言力能挽一石五斗弓初封康王
出質金軍請和金人異之疑帝爲將家子遣

選後奉詔使金爲磁州人擁留居相州受詔
爲天下兵馬大元帥靖康元年二帝北行諸
王宗室盡從帝乃渡江趨於應天府尊元祐
孟太后爲皇太后稱制明年丁未五月遂御
皇帝位升杭州爲臨安府都之改元建炎播
遷航海危而復安三年遷都杭州苗傅劉正
彥作亂尊帝爲太上皇而立皇太子遂改元
明受凡一年尋討平之復改元紹興凡三十
二年共改元者二在位三十六年謚受命中

興全功至德聖神武文昭仁宣孝皇帝葬於
會稽之永思陵子一元懿太子粵蚤薨養子
信王璩孝宗

孝宗皇帝名昚字元末初名伯琮太祖七世孫
初太祖少子秦王德芳生英國公惟憲惟憲
生新興侯從郁從郁生華陰侯世將世將生
慶國公令諱令諱生偁是爲秀王秀王生帝
會元懿太子粵早薨宗無嗣欲選立太祖之後
乃育帝於宮中封建王後立爲皇太子紹興

三十二年受內禪卽皇帝位明年癸未改元
隆興二乾道九淳熙十六改元者三在位二
十七年淳熙十六年二月詔傳位於太子退
處重華宮號至尊壽皇聖帝紹熙五年崩謚
紹統同道冠德昭功哲文神武明聖成孝皇
帝權攢於會稽之末阜陵子三莊文太子愔
蚤薨魏惠憲王愷光宗女二長嘉國公主次
天未封

光宗皇帝名惇孝宗第三子初封恭王莊文太

子薨立之淳熙十六年二月受內禪卽位明年庚戌改元紹熙在位五年謚循道憲仁明功茂德溫文順武聖哲慈孝皇帝葬會稽之永崇陵子兗王浚蚤薨寧宗女三文安公主和政公主齊安公主皆蚤薨

寧宗皇帝名擴光宗第二子初封嘉王紹熙五年孝宗崩光宗以疾不能執喪趙汝愚等承御批內禪請太皇太后奉帝卽位於素幄改明年乙卯爲慶元元年改元者四慶元六又

嘉泰四開禧三嘉定十七在位三十年謚法

天備道純德茂功仁文哲武聖睿恭孝皇帝
葬會稽之永茂陵養子三景獻太子訥蚤薨
鎮王竑理宗女祁國公主生六月而薨

理宗皇帝名昀初名貴誠太祖十世孫父希憲
燕懿王德昭之後生帝於紹興府山陰縣是
時寧宗從弟沂靖惠王薨無嗣以宗室希瞿
賜名貴和爲沂王後嘉定十三年寧宗景獻
太子薨乃立貴和爲皇太子賜名竑而以帝

嗣沂王後竑與丞相史彌遠有違言寧宗疾篤彌遠稱詔以貴誠為皇太子封竑為濟王寧宗崩遂嗣皇帝位改明年乙酉為寶慶元年改元者八寶慶三紹定六端平三嘉熙四年淳祐十二寶祐六開慶一景定五在位四十年謚建道備德大功復興烈文仁武聖明安孝皇帝葬會稽之永穆陵無子女一封周漢國公主

高宗皇帝名禩賜字長源太祖十一世孫父嗣

榮王與芮理宗同母弟也度宗生而資識內
慧七歲始言言必合度理宗屬意焉賜名孟
啓更名孜寶祐元年立爲皇太子景定五年
卽位明年乙丑改元咸淳在位十年謚端文
明武景孝皇帝葬會稽之永紹陵子三吉王
昞少帝信王昺

少帝名焜度宗嫡子咸淳十年卽位年四歲謝
太后臨朝明年乙亥改元德祐在位一年大
元兵逼臨安率百官奉表出降時德祐二年

二月也大元軍次錢塘江沙上潮水三日不至遂挾帝北行朝於上都封爲瀛國公其後無攷初元兵未至臨安文天祥請以二王出鎮乃徙封昞爲益王判福州昞爲廣王判泉州至是帝降陳宜中等乃立昞於福州丁丑卽位改德祐三年爲景炎元年凡二年兵敗奔於碭洲尋殒諡曰端宗張世傑陸秀夫等又立衛王昀於興寧卽位改元祥興凡一年敗於崖山陸秀夫抱帝赴海死二王共立四年

宋亡

謹按宋起太祖建隆庚申至元順帝至正
丁未共計四百零八年

宋僭位改元三國

楚

張邦昌字子能永靜軍東光人舉進士累官
大司成欽宗拜爲太宰金人犯京師以爲
割地使質金靖康元年二帝北遷金乃冊
立邦昌爲帝國號大楚擬都金陵卽僞位

凡四十餘日金師退納呂好問言請元祐
皇后垂簾聽政遣御史馬伸迎康王自去
帝號詣闕伏罪後高宗卽位貶潭州賜死

齊

劉豫字彥游景州阜城人世農業少無行建
炎二年除知濟南府豫不願行及金人攻
濟南縋城納款四年九月金冊立豫爲皇
帝國號大齊都大名府建元阜昌僭位八
年金執而廢之并其子麟徙於臨潢賜田

蜀
以居之至紹興十三年卒

吳曦信王璘之孫節度挺之中子慶元六年
韓侂胄謀開邊以曦知興州後朝廷議出
師以爲四川宣撫副使曦乃獻關外階成
和鳳四州於金以求封金人封爲蜀王開
禧三年遂僭位於興州乘黃屋差熏稱是
月爲元年治宮殿於成都凡九月隨軍轉
運安丙等謀誅之函首獻於京師

夏

附

始拓跋思恭據夏州稱王起唐中和元年
辛丑至宋雍熙元年甲戌九主凡九十三年
自雍熙二年乙酉迄寶慶二年丁亥稱
帝僭號凡十二主一百九十年共二百八十三年元滅之

拓跋思恭夏州人唐僖宗中和元年辛丑鎮
夏州統銀夏綏宥靜五州以討黃巢有功
賜姓李氏在位一十五年

李思諫思恭之弟唐乾寧三年丙辰自立爲
留後在位一十二年

李彝昌思恭之子梁開平二年戊辰立在位
二年其將高宗益作亂被殺

李仁福彝昌族父爲蕃部指揮開平四年庚
午彝昌卒衆推立之後封朔方王在位二
十四年

李彝超仁福子後唐清泰元年甲午立在位
二年

李彝興超之弟本名彝殷清泰三年丙申立
封西平王宋初加太尉至道三十二年

李克睿初名光睿彝興之子宋開寶元年戊
辰立 在位一十一年

李繼筠克睿子太平興國四年己卯立 在位
二年

李繼棒筠之弟太平興國六年辛巳立 在位
四年 率族人入朝太宗甚嘉寵之因願留
京師後以弟繼遷屢為邊患委以邊事

姓名趙保忠反爲繼遷所圖宋邊將執送京師景德元年卒

太祖名繼遷繼棒族弟始祖思忠從思恭討黃巢嘗射鐵鶴沒羽恃勇陣亡未受封四世生遷於銀州無定河生而有齒年二十值繼棒入朝召李氏皆赴闕乃詐遁招聚豪族漸以彊大宋雍熙二年乙酉遂攻夏州據之遼冊立爲夏國王復歸款於宋賜姓名趙保吉在位二十年屢寇宋邊後以

攻麟州中流矢卒追謚神武皇帝墓號裕陵

太宗名德明小字阿移太祖之子宋景德二年乙巳立奉表歸宋封西平王遼冊爲大夏國王在位二十六年追謚光聖皇帝墓號嘉陵

景宗皇帝名曩霄本名元昊小字鬼理太宗之子宋天聖九年辛未立自制番書以紀國事建元開運一廣運二大慶二遂卽皇

帝位改元天授禮法延祚十一屢寇宋邊
後自歸欵彼此休息在位一十七年謚武
烈墓號泰陵

毅宗皇帝名諒祚景宗長子小字甯令哥宋
慶曆八年戊子卽位年方四歲改元延嗣
寧國一天祐垂聖三福聖二承道二禪都
六拱化五在位二十二年謚昭英墓號安
陵

惠宗皇帝名秉常毅宗長子宋熙寧三年庚

戊卽位年七歲梁太后攝政復叛宋入寇
改元乾道二天賜禮盛國慶五大安十一
在位二十年謚康靖墓號獻陵

崇宗皇帝名乾順惠宗長子宋元祐五年庚
午卽位年方三歲改元天儀治平四又改
天祐民安八未安三貞觀十三雍寧五又
元德八正德八大德五在位五十四年謚
聖文墓號顯陵

仁宗皇帝名仁孝崇宗長子宋紹興十四年

甲子卽位改元大慶四人慶五天盛二十
一乾祐二十四在位五十四年謚聖德墓
號壽陵

桓宗皇帝名純祐仁宗長子宋慶元四年戊
午卽位改元天慶在位八年爲弟安全所
廢尋殂謚昭簡墓號莊陵

襄宗皇帝名安全崇宗孫越王仁友之子朱
開禧二年丙寅廢兄自立明年改元應天
四皇建二在位六年謚敬穆墓號康陵

神宗皇帝名遵頊初名承禎齊國忠武王彥宗之子爲大都督府主宋嘉定五年壬申卽位改元光定在位十二年傳位太子自號上皇寶慶二年卒謚英文

獻宗皇帝名德旺神宗子宋嘉定十七年甲申卽位改元乾定在位二年

南平王名暉清平郡王之子宋寶慶二年丙戌卽位二年丁亥爲元太祖所滅夏亡

遼

附

始太祖元年丁卯終天祚保大四年乙巳
九主凡二百一十七年金滅之

太祖皇帝姓耶律氏名億字阿保機小字啜
里只契丹迭刺部霞瀨益石烈鄉耶律彌
里人生卽能匍匐三月能行晬而能言知
未然事初爲本部夷離董梁太祖開平元
年丁卯遂卽位自稱天皇帝居朔方幽都
以扶餘城爲黃龍府追尊皇考爲德祖皇
帝立九年明年丙子始建元神冊六天贊

四又改天顯改元者三在位一十九年謚
大聖大明神烈天皇帝葬祖陵子四長義
宗讓國皇帝名倍小字圖欲初爲東丹國
人皇王改元甘露後讓國於弟太宗浮海
降唐明宗賜姓名李贊華有五子世宗宋
王婁國平王隆先吳王稍晉王道隱次太
宗三章肅皇帝李胡四牙里杲蚤卒女一
名質古幼未封

太宗皇帝名德水

禿骨太祖第二子天

顯元年丙戌卽位不改元始建國號曰遼
十二年始改元會同凡九年又改大同凡
十二年改元者二在位二十一年伐晉崩
於樂城謚孝武惠文皇帝葬懷陵子五長
穆宗次齊欽靖王罽撒葛三天德叛誅四
冀王敵烈五越王必攝女二燕國大長公
主次皇女朝瑰未封

世宗皇帝名阮小字兀欲讓國皇帝長子太
宗愛之如子大同元年丁未從伐晉封未

康王太宗崩卽位於柩前改大同元年爲天祿元年在位四年九月爲察割所弑謚孝和莊獻皇帝葬顯陵子三長莊聖太子吼阿不次景宗三寧王只沒女三秦國長公主晉國長公主皇女撒刺未封

穆宗皇帝名璟小字述律太宗長子天祿五年辛亥世宗遇害逆臣察割伏誅九月卽位改元應曆酗酒怠政造大酒器刻爲鹿文名曰鹿甔貯酒以祭天在位一十八年

因醉爲近侍所弑謚孝安敬正皇帝祔葬
懷陵

景宗皇帝名賢小字明辰世宗第二子應曆
十九年己巳二月穆宗遇害遂卽位改元
保寧十[乾亨]四改元者二在位一十四年
謚孝成康靖皇帝葬乾陵子四長聖宗次
秦晉國王隆慶三齊孝靖王隆裕四藥師
奴未封女四燕國大長公主魏國長公主
趙國公主皇女淑哥未封

聖宗皇帝名隆緒小字文殊奴景宗長子十
歲能詩好書翰繪畫精騎射曉音律初封
梁王乾亨四年卽位明年癸未改元統和
二十九開泰九太平十一改元者三在位
四十九年謚文武大孝宣皇帝葬慶陵子
六長興宗次秦國王重元三柳城郡王別
古特四燕王吳哥五緬兒七南府宰相六
混同郡王侯古女十四宋國長公主秦晉
國大長公主晉蜀國大長公主南陽公主

長寧公主荆國公主潯陽公主臨海公主
同昌公主三河公主仁壽公主金鄉公主
皇女秦哥興哥未封

興宗皇帝名宗真小字只骨聖宗長子初封
梁王太平十一年六月卽位改元景福明
年壬申又改重熙在位二十三年謚神聖
孝章皇帝葬慶陵子三長道宗次宋魏王
和魯幹三秦魏國欽正王阿連女二晉國
長公主鄭國大長公主

道宗皇帝名洪基小字查剌興宗長子初封
梁王重熙二十四年乙未八月卽位政元
清寧十歲雍十大康十大安十壽隆六政
元者五在位四十六年謚仁聖大孝文皇
帝子一昭懷太子濬以讒廢遇害女一秦

晉國長公主

天祚皇帝名延禧小字阿果道宗孫昭懷太
子之子初封梁王爲天下兵馬大元帥壽
隆七年辛巳受遺詔卽位追尊父爲順宗

大孝順聖皇帝改元者三乾統十天慶十
保大五在位二十五年子六長晉王敖魯
幹次梁王雅里三燕國王撻魯四趙王習
泥烈五秦王定六許王寧女六蜀國公主
餘未封爲金所虜初女直兵起渤海高未
昌僭號稱建隆元年立四月尋討平之及
保大五年乙巳宋徽宗宣和七年也金兵
長驅伐遼帝不支遂走夾山取天德軍謀
奔西夏爲金人所擒降封海濱王遼亡

北遼

耶律淳小字涅里興宗孫宋魏王和魯幹之子初封魏王後嗣父位守南京保大二年天祚敗於金入夾山衆將大石等引唐靈武故事奉之卽位稱天錫皇帝改元爲建福謂之北遼淳卒僞謚宣宗孝章皇帝遺詔立秦王定使德妃稱制改元德興凡三年敗於金德妃奔天德軍天祚殺之降淳爲庶人

耶律雅里天祚第二子初封梁王保大三

年金師圍青塚寨太保特母哥挾之走陰
山天祚失利奔夏乃竊而北走遂奉以卽
位改元神曆後諸部多來附日漸荒怠因
出射獵致疾而卒年數未詳

西遼

耶律大石太祖八代孫通遼漢字登進士
擢翰林承旨歷泰祥二州刺史遼興軍節
度使保大二年金兵日逼天祚播越乃立
淳爲帝淳卒輔德妃稱制德妃敗死遂自
立爲王率鐵騎二百北行過黑水西至大

食國得精兵萬餘威振西域遂卽位自稱
天祐皇帝改元延慶凡三年班師東歸得
善地遂建都城改元康國出師東征行萬
餘里無所得馬牛多死乃班師還在位二
十年歿廟號德宗謂之西遼

感天皇后名塔不煙太子夷列年幼遺命
權國稱制改元咸清在位七年

耶律夷列德宗子卽位改元紹興十三年
歿廟號仁宗

承天太后名普速完仁宗之妹仁宗子幼
遺詔妹權國稱制改元崇福在位十四年
與駙馬弟通殺駙馬駙馬父圍其宮射殺
之

耶律直魯古仁宗次子卽位改元天禧在
位三十四年時秋出獵乃蠻王屈出律以
伏兵八千擒之而據其位遂襲遼衣冠尊
爲太上皇朝夕問起居以侍終焉始德宗
迄直魯古共八十八年而遼絕

金附

始太祖收國元年乙未終哀帝天興三年甲午九主凡一百二十年宋元共滅之

太祖皇帝名旻本名阿骨打世祖第二子其先出靺鞨氏靺鞨本號勿吉古肅慎地也元魏時有七部唐時附高麗五代時在南者臣屬契丹號熟女直其在北有白山黑水號生女直不籍於契丹始祖名函普居完顏部七世而生世祖劾里鉢世祖生十

一子長康宗烏雅東次太祖三魏王幹帶
四太宗五遼王杲本名斜也諳班勃極烈
六鄭王幹賽七魯王幹者八漢王烏故乃
九魯王闍母十沂王查刺十一郢王昂本
名烏特初生女直世爲遼節度使太祖立
乃不受命因索叛人阿疎起兵伐遼自將
攻黃龍府宋徽宗政和五年乙未遂卽皇
帝位謂遼以賓鐵爲號取其堅也然有時
變壞惟金堅剛不變壞完顏部尚白而金

色白故國號金建元收國凡二年又改元
天輔六改元者二在位八年謚應乾興運
昭德定功仁明莊孝大聖武元皇帝葬和
陵改睿陵追尊父爲世祖神武聖肅皇帝
子十六長遼王宗翰本名粘罕次嫡徽宗
宗峻本名繩果三宋王宗望本名幹離不
四梁王宗弼本名兀朮五睿宗宗堯初名
宗輔本名訛里朶六曹王烏烈七趙王宗
傑本名木里也八陳王宗雋本名訛魯觀

九潘王訛魯十函王訛魯朶十一衛王宗
強本名阿魯十二曹王宗敏本名阿魯補
十三紀王習泥烈十四息王寧吉十五莒
王燕孫十六鄴王幹忽女畢國公主

太宗皇帝名晟本名吳乞買世祖第四子初
爲諳班勃極烈天輔七年癸未九月卽位
改爲天會元年滅遼入汴執辱二帝在位
一十二年謚體元應運世德昭功哲惠仁
聖文烈皇帝葬恭陵子十四長宋王宗磐

本名蒲盧虎次幽王宗固本名胡魯三代
王宗雅四虞王阿魯補五滕王斛沙虎六
薛王宗懿七陳王宗本本名阿魯八翼王
骨懶九豐王宗美十鄆王神土門十一霍
王斛勃束十二蔡王幹烈十三畢王宗哲
十四徐王宗順

熙宗皇帝名亶本名合刺太祖孫景宣皇帝
長子次弟胙王元本名常勝三弟查刺初
熙宗以嬪孫爲諱班勃極烈天會十三年

乙卯卽位追尊皇考豐王爲徽宗景宣皇
帝卽位三年始改元天眷三皇統八改元
者二在位一十四年爲完顏亮所弑謚弘
基纘武莊靖孝成皇帝葬思陵子二長皇
太子濟安次魏王道濟女七梁國大長公
主鄂國公主瀋國公主代國公主魯國公
主鄭國公主唐國公主

海陵王名亮本名迪古太祖孫遼王宗翰第
二子爲人僂急多猜忌殘忍任數皇統九

年己巳弒熙宗卽位改元天德凡四年又
改貞元三正隆五改元者三在位一十二
年浮虐無道大舉伐宋至揚州將士聞世
宗立皆叛歸亮爲完顏元宜所弒世宗追
廢爲海陵郡王謚曰煬子四長太子光英
次崇王元壽三宿王矧思阿補四滕王廣
陽女榮國公主

世宗皇帝名堯本名烏祿太祖孫睿宗長子
次弟齊王堯璿初世宗生而胷前有七

黑子如北斗封葛王爲東京留守正隆六年辛巳十一月海陵南征遂卽皇帝位於東京改爲大定元年追尊皇考幽王爲睿宗簡肅皇帝在位二十九年和議旣成南北休息謚光天興運文德武功聖明仁孝皇帝葬興陵子十長鎬王允中次顯宗允恭本名胡士瓦蚤卒三趙王孰輦四越王斜魯五越王允功六豫王允成七豫紹王允濟八夔王允升九鄭王允蹈十曹王允

德女七魯國大長公主吳國公主息國公主道國公主景國公主定國公主宛國公主

主

章宗皇帝名璟小字麻達葛世宗孫太子允恭之嫡子世宗立爲皇太孫太定二十九年卽位追尊皇考爲顯宗皇帝封兄珣爲豐王卽宣宗弟鄆王琮本名承慶瀛王瓌本名歡覩霍王璘本名阿鄰瀛王琦本名吾里補溫王玠本名謀良虎明年庚戌改

元明昌六承安五泰和八改元者三在位
一十九年謚憲天光運仁文義武神聖英
孝皇帝葬道陵子六長絳王洪祐次荆王
洪靖本名阿虎懶三榮王洪熙本名幹魯
不四英王洪行本名撒改五壽王洪輝本
名訛論六葛王忒鄰女部國公主

衛紹王名允濟小字興勝世宗第七子初封
衛王判平陽府泰和八年入朝奉遺詔卽
皇帝位明年己巳改元大安三崇慶一又

至寧一政元者三在位五年大元兵逼元帥胡沙虎以兵入宮自稱監國逼帝出於故邸弑之降封東海郡侯貞祐四年追復衛王謚曰紹子六長太子從恪次任王琚本名猛安三鞏王瑄本名按出四鄭王按陳五失名女一未封

宣宗皇帝名珣本名吾睹補顯宗長子初封豐王至寧元年衛王被弑徒單銘等迎帝於彰德府入卽皇帝位明年甲戌改元爲

貞祐凡四年又改興定五天光二改元者
三在位一十一年元兵日逼遷都南京以
避之謚繼天興統述道勤仁英武聖孝皇
帝葬德陵子四長莊獻太子守忠蚤卒次
荆王守純三哀宗四霍王玄齡女溫國公
主

哀宗名守緒初名守禮小字寧甲速宣宗第
三子初封遂王乙酉卽位改元正大凡七
年連歲被兵改開興又改天興凡三年改

元者三在位一十年宋元夾攻圍急傳位於東面元帥承麟是爲末帝未幾城陷哀宗自縊諸禁近舉火焚之謚曰哀宗時宋理宗端平元年也宋將割其首骨埋於大理寺獄以報伐宋之恨金亡

○元

始太祖丙寅稱帝沙漠四主凡五十七年至世祖癸亥遷都燕京至元十三年丙子混一接統盡順帝至正二十七年丁未屠中國十

帝凡九十二年通共十四主一百六十二年
順帝遜歸沙漠國亡

太祖皇帝姓奇渥溫氏名鐵木真蒙古部人始
祖孛端義兒九世生烈祖神元皇帝也速該
以征塔塔兒部獲其部長鐵木真適生太祖
因以名之烈祖五子長太祖次撻只哈兒王
三哈赤溫大王四鐵木哥幹赤斤卽所謂國
王幹曠郝顏也五別里古台王太祖旣立威
德日盛諸部降服遂以宋寧宗開禧二年丙

寅乃金太和六年也卽皇帝位於幹灘河以
土德王國號大元滅國四十遂平西夏在位
二十二年皇子拖雷監國一年謚法天啓運
聖武皇帝國中號曰成吉思皇帝子六長木
赤太子次察合台太子三太宗四拖雷卽睿
宗五兀魯赤六闊列堅太子女昌國大長公
主趙國大長公主也立可敦公主火阿真公
主

太宗皇帝名窩闊台太祖第三子戊子年太祖

崩皇弟拖雷監國奉遺詔卽位明年己丑改
爲元年六年滅金在位一十三年崩壬寅年
六皇后乃馬真氏稱制四年共一十七年謚
英文皇帝子七長定宗次闊端太子三闊出
太子四哈刺察兒王五合失大王六合丹大
王七滅里大王女只兒哈罕公主

定宗皇帝名貴由太宗長子丙午卽位爲元年
在位三年崩謚簡平皇帝時衆議立君未決
凡二年無君共五年而憲宗立子三長忽察

大王次腦忽太子三禾忽大王女趙國大長
公主巴巴哈兒公主

憲宗皇帝名蒙哥太祖孫睿宗拖雷之子睿宗
十一子長憲宗次忽覲都大王三失名四世
祖五失名六旭烈兀大王七阿里不哥大王
八撥綽大王九末哥大王十歲都哥大王十
一雪別台大王初太宗在潛邸養憲宗爲子
定宗崩議立君二年未決拔都首建議推戴
遂奉卽位以辛亥年爲元在位九年謚桓肅

皇帝子五長班禿大王次阿速及大王三玉
龍荅失大王四河平王昔里吉五辨都早卒
女昌圖公主

世祖皇帝名忽必烈睿宗第四子憲宗同母弟
庚申卽位於上都始建元中統凡四年遷都
燕京改元至元凡十三年丙子滅宋混一區
宇用夏變夷改元者二在位三十五年至元
三十一年崩壽八十謚聖德神功文武皇帝
國中號曰薛禪皇帝子七長朶兒只大王次

裕宗真金太子三安西王忙哥刺四北安王
那木罕五雲南王忽哥赤六愛牙赤大王七
西平王奧魯赤女四魯國大長公主趙國大
長公主齊國大長公主吾魯真公主

成宗皇帝名鐵穆耳世祖孫裕宗真金之子裕
宗三子長顯宗其麻刺次順宗答刺麻八剌
三成宗至元三十一年世祖崩帝自北邊至
上都卽位明年乙未改元元貞凡二年又改
大德十一改元者二在位一十三年謚欽明

廣孝皇帝國中號曰完澤篤皇帝子一德壽
太子蚤卒女二昌國大長公主趙國大長公
主

武宗皇帝名海山裕宗孫順宗答剌麻八剌之
子順宗三子長魏王阿不哥次武宗三仁宗
武宗初封懷寧王總兵北邊大德十一年成
宗崩無子遂卽皇帝位於上都明年戊申改
元至大在位四年謚仁惠宣孝皇帝國中號
曰世宗皇帝子二明宗文宗

仁宗皇帝名愛育黎拔力八達順宗第三子武宗同母弟初成宗崩宮壺搆亂帝率兵誅之以迎武宗武宗立以帝爲皇太子至大四年武宗崩乃卽位明年壬子改元皇慶二延祐七改元者二在位九年謚聖文欽孝皇帝國中號曰普顏篤皇帝子二長英宗次安王兀都思不花蚤殞女闊闊倫公主

英宗皇帝名碩德八剌仁宗長子辛酉卽位改元至治在位三年鐵失赤斤鐵木兒殺丞相

拜住遂弑帝於行幄謚睿聖文武皇帝國中
號曰格堅皇帝無子

秦定皇帝名也孫鐵木兒裕宗嫡孫顯宗其麻
剌之子顯宗三子長秦定帝次梁王松山三
湘寧王迭里哥兒不花初世祖以第四子爲
北安王鎮北邊北安王薨顯宗以長孫封晉
王代之帝爲嗣晉王成宗武宗仁宗之立咸
有翼戴功至治三年英宗遇弑羣臣奉皇帝
璽綬迎之卽位於龍居河明年甲子改元爲

歷代通鑑輯覽卷之八十一
泰定凡四年又改致和在位四年謚泰定皇
帝子四長阿里吉太子次晉王八的麻亦兒
間卜三小薛太子四允丹藏卜太子

明宗皇帝名和世竦武宗長子初封周王出鎮
朔漠泰定崩文宗與羣臣迎立之天曆二年
正月卽位於和寧之北以文宗爲皇太子八
月次忽察都之地皇太子入見賜宴其臣也
里牙等謀不軌帝暴崩謚翼獻景孝皇帝國
中號曰護都篤皇帝子順帝寧宗女明慧貞

懿大長公主

文宗皇帝名圖帖睦爾武宗次子初封懷王出
居建康致和元年戊辰四月泰定帝崩於上
都燕鐵木兒等舉義以兵脅衆迎帝至京師
九月卽皇帝位改致和元年爲天曆元年時
三閱月無君倒刺沙等已立泰定帝子於上
都改元天順帝尋遣人擊降之奉表讓位於
兄明宗明年正月明宗卽位於行在八月北
迎謁於忽察都之地明宗暴崩帝復卽位改

元ノノノ至順凡三年改元者二共在位五年謚聖
明元孝皇帝國中號曰札牙篤皇帝子三長
阿刺忒答刺太子次燕帖古思太子三太平
訥太子

寧宗皇帝名懿璘質班明宗第二子初封郕王
至順三年八月文宗崩皇后導揚末命申固
讓初志傳位於明宗之子時長子順帝出居
靜江乃立帝繼大統十月卽位年七歲立二
月而崩謚冲聖嗣孝皇帝

順帝名妥歡貼睦爾明宗長子至順元年明宗
后八不沙被讒遇害遂徙帝於高麗使居大
青島中一載詔天下言明宗在朔漠時素謂
非其已子移於廣西之靜江文宗崩文宗后
立寧宗寧宗崩乃迎立帝癸酉六月卽位於
上都改元者三元統二至元六至正二十七
在位三十五年歲在丁未我

大明兵至通州帝集三宮后妃皇太子百官同
議避兵夜半開健德門北奔沙漠駐於應昌

歷代通鑑輯覽 卷之八
一年疾殂子三長愛猷識理達臘餘二子未
封我

大明皇帝以其知順天命退避而去特加其號
曰順帝元亡

謹按元起世祖中統丙子盡順帝至正丁
未共計九十二年

元末諸國

宋

韓林兒樂城人先是其父韓山童至正十一

年與潁川妖人劉福通等以紅巾爲號念彌勒佛聚衆作亂山童就擒其妻楊氏與林兒逃之武安福通自陽山夾河迎林兒立爲帝國號宋都亳州建元龍鳳凡一十三年而滅

金

朱光卿廣州增城人元統三年與其黨石崑山鍾大名聚衆反僭卽皇帝位國號大金建元赤符凡七月江西左丞沙的擒赴京

師誅之

天完

徐壽輝本名真一蘄州羅田縣人至正十一年以妖術燒香聚衆爲亂亦以紅巾爲號僭卽皇帝位國號天完都漢陽建元治平凡九年其將陳友諒殺之而自立

漢

陳友諒沔陽人至正二十年弑其僞主徐真一自稱皇帝改國號曰大漢建元大義僭

位四年與

國朝天兵戰於鄱陽湖敗死子理逃還據武昌
僭位凡四月而滅

吳

張士誠本名九四泰州白駒場竈戶至正十
六年與弟士德士信爲亂陷泰州據高郵
尋攻破蘇州建以爲都遂僭卽位國號大
吳建元天祐又遣使請命元以爲太尉凡
一十二年

國朝天兵討滅之

夏

明玉珍四川人至正二十二年據成都明年
僭卽皇帝位國號大夏建元天統凡十年
國朝天兵討滅之

謹按起唐帝堯甲辰終元順帝丁未通計
三千七百二十四年至我

大明皇帝萬世萬世萬萬世

歷代帝王曆祚考卷之八終 商山

藏板

曆祚考後序

曆祚考者何考歷代帝系相傳
之大端也曷云曆祚帝王禪代
皆緣天授曆者經天者也天之
運雖靡常而稽其數則卜年卜
世紀是矣祚者承天者也天之
命至有赫而要其歸則閏統正

統總是矣故天不可考而歷代
興廢則皆已定之天舍斯二者
固莫以名茲編也予弟康侯輯
此蓋亦有年雖句摘剽集似規
管竇然而一君述其始末一朝
溯其源委一統別其離合亘數
百千禩而若珠貫若領挈抑何

簡而便約而該若是則帶河四
兄業序之悉矣會予歸自京師
理舊業康侯復以質予予惟鑄
史者廣識貴綜其詳核實貴提
其要自

制科沿於末流而史學曾不遑
一瞬徃徃開卷若面識掩卷若

無睹至有二三試而紀年間標
於叔季者且茫然莫知所出孰
謂陰陵大澤中有此捷徑可尋
也蓋康侯髫髻時故同研席警敏
能強記予每每心折而乃今睹
此一編更有出居常所素刮目
者寧惟家學中推多聞益友抑

於曠世後稱古帝王功臣矣勉
之哉毋務墮成勞而別天管外
亦毋務居成勞而域天管中試
思彼若何而曆數有脩短若何
而國祚有隆替亦惟是穆穆者
不可測而業就至詳考至要又
更就至要考至精則論世即以

知人知人即以知天而從是已
定者通之未定者雖以銘六辰
鑑億載可也又直功在往古也
乎康侯矍然避席曰非敢必有
功也聊以備家塾考覽惟毋棄
我而終勉之幸甚請筆以志其
成

皆

萬曆辛丑長至日書於季園

吳繼衷